

সমকাল

এসএসসি পরীক্ষার ফল প্রকাশ ১০ আগস্ট



ফল প্রকাশের পর রাজশাহী কলেজের শিক্ষার্থীদের আনন্দ উল্লাস। ছবি: শরিফুল ইসলাম তোতা

সমকাল প্রতিবেদক

🕒 প্রকাশ: ২৭ জুলাই ২০২৬ | ১৫:৪০ | আপডেট: ২৭ জুলাই ২০২৬ | ১৬:১৬



২০২৬ সালের মাধ্যমিক স্কুল সার্টিফিকেট (এসএসসি) ও সমমানের পরীক্ষার ফল ১০ আগস্ট সারা দেশে একযোগে প্রকাশ করা হবে। সোমবার বাংলাদেশ আন্তঃশিক্ষা বোর্ড সমন্বয় কমিটি এ তথ্য জানিয়ে এক সংবাদ বিজ্ঞপ্তি প্রকাশ করেছে।

বিজ্ঞপ্তিতে বলা হয়, এসএসসি ও সমমানের পরীক্ষার ফল প্রকাশের সব প্রস্তুতি শেষ পর্যায়ে রয়েছে। ফল প্রকাশের পর শিক্ষার্থীরা কীভাবে ফল জানতে পারবেন, সে বিষয়ে পরবর্তী সময়ে পৃথক বিজ্ঞপ্তির মাধ্যমে বিস্তারিত জানানো হবে।

এর আগে ২০ জুলাই ফল প্রকাশের সম্ভাব্য তারিখ নির্ধারণ করা হলেও প্রস্তুতি সম্পন্ন না হওয়ায় তা পিছিয়ে দেওয়া হয়।

চলতি বছরের এসএসসি ও সমমানের পরীক্ষা শুরু হয় ২১ এপ্রিল এবং লিখিত পরীক্ষা শেষ হয় ২০ মে। এরপর ব্যবহারিক পরীক্ষা অনুষ্ঠিত হয়।

এ বছর ৯টি সাধারণ শিক্ষা বোর্ডের অধীনে এসএসসি, মাদ্রাসা শিক্ষা বোর্ডের অধীনে দাখিল এবং কারিগরি শিক্ষা বোর্ডের অধীনে এসএসসি ও দাখিল (ভোকেশনাল) পরীক্ষায় ১৮ লাখ ৫৭ হাজারের বেশি পরীক্ষার্থী অংশ নেয়।